

Datum: 28.01. 2026.

Broj: 02-06-1048

Na inicijativu TI BiH u proceduru upućen novi zakon o sukobu interesa FBiH

Sarajevo, 28. januar 2026. godine - Skoro 13 godina u Federaciji BiH ne postoji organ koji utvrđuje sukob interesa, a pravni haos koriste brojni funkcioneri koji obavljaju višestruke funkcije dok njihove privatne firme nesmetano dobijaju državne poslove. Kako se godinama opstruiše rješenje ovog pitanja, Transparency International u BiH (TI BiH), uz podršku 13 zastupnika pokrenuo je inicijativu i uputio u proceduru prijedlog novog *Zakona o sprečavanju sukoba interesa u organima vlasti u FBiH*. Inicijativu TI BiH podržali su zastupnici iz Naše stranke, SDA, NIP-a, DF-a, SBiH, HRS-a i jedan nezavisni zastupnik. Cilj prijedloga koji je upućen Predstavničkom domu Parlamenta FBiH je uspostava nezavisnog organa koji će utvrđivati i sankcionisati sukob interesa, provjeravati imovinske kartone, a biće definisana i jasna pravila u pogledu nespojivih funkcija i ograničenja koja se odnose na privatne interese funkcionera.

Podaci iz [Registra javnih funkcija](#) koji je uspostavio TI BiH pokazuju da **265 funkcionera** u FBiH trenutno obnaša neku od dodatnih funkcija u javnim ustanovama i preduzećima. Veliki broj njih time krši još uvijek važeći federalni zakon, ali sukob interesa nema ko da utvrdi jer je usvajanjem novog Zakona na nivou BiH 2013. ta nadležnost oduzeta CIK-u. Kako novi zakon u FBiH nikada nije usvojen to je otvorilo ogroman prostor za donošenje odluka u privatnom ili stranačkom interesu, uključujući pogodovanje pri zapošljavanju, raspodjeli budžetskih sredstava i javnim nabavkama. Interesantno je pomenuti i da podaci sa TI BiH-ove platforme [Integrity Watch](#) pokazuju da je **20% izabranih nosilaca javnih funkcija** prijavilo vlasništvo u firmama koje su u 2024. godini dobijale tendere.

TI BiH napominje da prijedlog upućen u proceduru nije novi tekst nego rješenje koje je pripremano dugi niz godina i predstavlja važan mehanizam borbe protiv korupcije ali i dio reformi na evropskom putu. Prethodna Vlada FBiH utvrdila je nacrt zakona 2022. godine, nakon višegodišnjih priprema i konsultacija sa relevantnim institucijama, civilnim društvom i međunarodnim partnerima. Nacrt je potom upućen u parlamentarnu proceduru, ali je nakon formiranja nove Vlade FBiH 2023. godine povučen "radi dorade". Skoro tri godine kasnije Ministarstvo pravde FBiH i dalje opstruiše usvajanje novog Zakona, koji nikada nije vratilo u proceduru, niti postoje jasne naznake da će se to desiti do kraja ovog mandata.

Nakon više urgencija koje je TI BiH uputio Vladi i Parlamentu FBiH, te uopštenih odgovora institucija, bez jasnih rokova kada će nacrt biti vraćen u proceduru, TI BiH je organizovao konsultacije sa zastupnicima i predložio da iskoriste svoje poslovničko pravo i budu

Udruženje za borbu protiv korupcije Transparency International u BiH
Reg. Br. UP08-07-1-616/11, Ministarstvo pravde BiH, Sarajevo

Sjedište: Krfska 64e 78 000 Banja Luka Tel/Fax +387 51 216 369, 216 928, 224 521, 224 520
Ispostava: Zmaja od Bosne 20/1 71000 Sarajevo, tel/Fax +387 33 220 049, 220 047
E-mail: info@ti-bih.org
Web: www.ti-bih.org

predlažajući identičnog teksta koji je ranije povučen. TI BiH je pozvao sve zastupnike Predstavničkog doma da se pridruže inicijativi, s ciljem da zakon bude rezultat nadstranačke podrške. Nakon prikupljenih potpisa, prijedlog zakona je predat na protokol Parlamenta FBiH 20. januara. TI BiH poziva zastupnike da podrže i usvoje ovaj zakon kao jasnu poruku građanima da je javni interes iznad interesa pojedinaca i političkih stranaka. Posebno je važno da se zakon usvoji u ovom mandatu, imajući u vidu da je 2026. izborna godina i da se prostor za reformske korake brzo sužava.

Udruženje za borbu protiv korupcije Transparency International u BiH
Reg. Br. UP08-07-1-616/11, Ministarstvo pravde BiH, Sarajevo

Sjedište: Krfska 64e 78 000 Banja Luka Tel/Fax +387 51 216 369, 216 928, 224 521, 224 520
Ispostava: Zmaja od Bosne 20/1 71000 Sarajevo, tel/Fax +387 33 220 049, 220 047
E-mail: info@ti-bih.org
Web: www.ti-bih.org